



# RAPORT STATISTIKOR

## JANAR 2025

---

## Hyrje

Raporti synon të japë një përshkrim analitik të treguesve të primeve të shkruara bruto dhe dëmeve të paguara të Tregut të sigurimeve dhe me pas të shoqërisë Insig sh.a për periudhën janar 2025, krahasuar me të njëjtën periudhë të një viti më parë, si edhe për tregues specifikë të dhënat krahasohen për periudhën janar të viteve nga 2021-2025. Në përfundim të raportit ndërtohen projeksione dhe jepen vlerësime të mbështetura në fakte dhe gjykime.

Burimet kryesore mbi të cilat mbështetet raporti janë; Buletini Statistikor zyrtar i Autoritetit të Mbikëqyrjes Financiare për periudhën janar 2025 dhe të dhënat statistikore të përpunuara për periudhën në shqyrtim, të shoqërisë Insig Sh.a

## Tabela e përmbajtjes

|                                                                                     |           |
|-------------------------------------------------------------------------------------|-----------|
| <b>1. Tregu i sigurimeve gjatë periudhës Janar 2025.....</b>                        | <b>2</b>  |
| <b>1.1 Primet e shkruara bruto nga aktiviteti i Jo Jetës .....</b>                  | <b>3</b>  |
| <b>1.2 Dëmet e paguara nga aktiviteti i Jo Jetës .....</b>                          | <b>4</b>  |
| <b>2. Prime të shkruara bruto nga shoqëria Insig për periudhën Janar 2025 .....</b> | <b>5</b>  |
| <b>2.1 Primet e shkruara bruto për klasën e sigurimit të aksidenteve .....</b>      | <b>6</b>  |
| <b>2.2 Primet e shkruara bruto për klasën e sigurimeve Motorike .....</b>           | <b>7</b>  |
| <b>2.3 Primet e shkruara bruto për klasën e sigurimit të pronës .....</b>           | <b>8</b>  |
| <b>2.4 Primet e shkruara bruto për klasat e tjera .....</b>                         | <b>8</b>  |
| <b>3. Dëmet e paguara nga shoqëria Insig për periudhën Janar 2025.....</b>          | <b>9</b>  |
| <b>3.1 Dëmet e paguara nga sigurimet motorike .....</b>                             | <b>9</b>  |
| <b>3.2 Dëmet e paguar nga sigurimet e Pronës dhe Aksidenteve e Shëndetit .....</b>  | <b>10</b> |


## 1. Tregu i sigurimeve gjatë periudhës Janar -2025

Tregu i sigurimeve për periudhën janar 2025 ka realizuar 1,975,862 mijë lekë prime të shkruara bruto nga tregu i sigurimit të Jetës, JoJetës dhe veprimtaria e risigurimeve duke shënuar rritje me 11.37% krahasuar me periudhën janar 2024. Nga aktiviteti i Jo Jetës janë realizuar 1,785,774 mijë lekë prime duke shënuar një rritje me 11.37% dhe nga aktiviteti i Jetës janë realizuar 188,517 mijë lekë prime duke shënuar një rritje prej 10.50% , kurse veprimtaria e risigurimeve ka realizuar 1,570 mijë lekë duke shënuar një rritje prej 1,562%. Vlera e dëmeve të paguara nga industria e sigurimeve është 686,671 mijë lekë me një rritje prej 12.95% krahasuar me periudhën janar të vitit 2024. Njësoj si treguesit e primeve të shkruara, pjesa më e madhe e dëmeve të paguara afro 86.48% e tyre paguhet nga aktiviteti i Jo Jetës, 6.18% e tyre nga aktiviteti i Jetës dhe 7.34% nga dëmet e paguara të fondit të kompensimit.

### 1.1 Primet e shkruara bruto nga aktiviteti i Jo Jetës


Totali i primeve të shkruara bruto nga aktiviteti i Jo Jetës është 1,785,774 mijë lekë duke shënuar rritje me 11.37% krahasuar me të njëjtën periudhë të vitit 2024 , sa rritja e tregut. Ndikimin kryesor në rezultatin e rritjes së përgjithshme të tregut krahasuar me janar të vitit 2024, ka dhënë rritja në sigurimin e kredive dhe garancive prej 60.71%, e ndjekur rritja te përgjegjësi ndaj palëve të treta me 14.58%, rritja te kasko me 9.45%, rritja te zjarri 6.05% dhe rritja në marine, aviacion e transport me 4.37%. Klasa e përgjegjësi rezulton me rënie prej 6.45% ndërsa klasa e aksidenteve e shëndetit rezulton me rënie prej 1.00%. Ndikimi i tyre i rëndësishëm vjen nga përpjesa që ata kanë në totalin e tregut. Në grafikun 1, ilustrohen vlerat në përqindje ndryshimi për secilën klasë sigurimi të periudhës janar 2025/2024.

Grafiku 1: Ndryshimi i primeve të shkruara bruto sipas klasave të sigurimit, janar 2025/2024




Duke ju referuar periudhës janar për vitet 2021-2025 sipas grafikut 2, trendi i primeve rezulton me një rënie nga vitit 2021 në vitin 2022, pastaj vazhdon me rritje deri në vitin 2025 ku shënon dhe vlerën më të lartë.

Grafiku 2: Ecuria e primeve të shkruara bruto tregu i sigurimeve, janar 2021-2024 (mijë lekë)




Tregu vazhdon të dominohet nga klasa e sigurimeve të detyrueshme motorike duke zotëruar 67.01% të totalit të primeve të shkruara bruto, e ndjekur më pas me rreth 9.91% nga sigurimet e pronës ndërsa pjesa tjetër e ndarë midis klasave të tjera. Referuar grafikut 3, ku paraqitet raporti i sigurimeve vullnetare me ato të detyrueshme për periudhën , përpjesa që sigurimet vullnetare zënë ndaj sigurimeve totale është më e madhe në periudhën janar të vitit 2021 me 42.32% prime vullnetare ndaj totalit. Ndërkohë që raporti më i ulët paraqitet në periudhën janar të vitit 2025 me 32.99%. Për periudhën raportuese raporti rezulton 32.99% me 67.01%.

Grafiku 3: Raporti vullnetare/totalit për periudhën janar 2021-2025 (mijë lekë)




Referuar sigurimeve të detyrueshme motorike, krahasuar me të njëjtën periudhë të një viti më parë rezultojnë me rritje ,TPL me 15.07%,kartoni jeshil me 12.75% dhe kufitarja me 5.05%. Numri i kontratave të lidhura për sigurimet e Jo Jetës gjatë periudhës janar 2025 është 106,520 kontrata, duke shënuar rritje prej 13.28% ose 12,490 kontrata më shumë se viti 2024. Norma e rritjes së tregut është rreth 11.37% krahasuar me janar 2024,

Grafiku 4: Norma e rritjes së primit, janar 2025/2024




Grafiku 5: Raporti vullnetare/totalit, janar 2025



## 1.2 Dëmet e paguara nga aktiviteti i Jo Jetës


Gjatë periudhës janar 2025 nga aktiviteti i sigurimit të Jo Jetës janë paguar 593,826 mijë lekë dëme, duke shënuar një rritje me 12.12% ose 64.196 mijë lekë pagesa më shumë krahasuar me periudhën janar të vitit 2024 dhe kjo shoqërohet edhe me rritjen e numrit të rasteve të paguara me 4.93% ose 273 raste më shumë.

Grafiku 6: Ecuria e dëmeve të paguara nga tregu (mijë lekë), janar 2021-2025



Sipas grafikut 6, vlera më e lartë e dëmeve të paguara është për periudhën janar të vitit 2025. Në grafikun 7, paraqitet ndryshimi i dëmeve të paguara sipas klasave.

Grafiku 7: Ndryshimi në dëmet e paguara sipas klasave të sigurimeve, janar 2025/2024




Pjesa më e madhe e dëmeve të paguara vjen nga lloji i sigurimeve motorike rreth 86.81% e totalit, ndjekur nga aksidentet dhe shëndeti me 8.67%, zjarri dhe dëmtimet e tjera në pronë me 3.55%, dhe Të tjera me 0.98% .

## 2. Prime të shkruara bruto nga shoqëria Insig për periudhën Janar 2025


Aktiviteti i shoqërisë INSIG për periudhën janar 2025 për Tregun e Sigurimeve të Jo Jetës, u mbyll me një rezultat primesh të shkruar bruto prej 116,834 mijë lekë, duke shënuar **një rritje prej 9.86%** ose 10,486 mijë lekë më shumë krahasuar me periudhën janar të vitit 2024. Krahasuar me janar nga vitet 2021-2025, ecuria e primeve të shoqërisë Insig është me luhatje dy vitet e para dhe më pas vazhdon me rritje, duke shënuar vlerën më të ulët në janar të vitit 2022 dhe vlerën më të lartë të primeve të realizuara në janar të vitit 2025, grafiku 8.

Grafiku 8: Ecuria e primeve të shkruara bruto Insig, janar 2021-2025 në mijë lekë



Raporti i sigurimeve vullnetare ndaj totalit për periudhën janar të vitit 2025 është 8.24% me 91.76%, duke shënuar një rënie në përqindje prej 2.54% të këtij raporti krahasuar me të njëjtën periudhë të vitit 2024, ku raporti i vullnetareve ndaj totalit ishte 10.78%. Ecuria e këtij raporti për periudhën janar nga 2021-2025 paraqitet sipas grafikut 9 .

Grafiku 9: Prime vullnetare ndaj totalit Insig, janar 2021-2025 (mijë lekë)






## 2.1 Primet e shkruara bruto për klasën e sigurimit të Aksidenteve e Shëndetit

Gjatë periudhës janar të vitit 2025 nga klasa e sigurimit të Aksidenteve dhe Shëndetit janë realizuar 525 mijë lekë prime të shkruara bruto duke shënuar një rënie me 10.81% krahasuar me të njëjtën periudhë të vitit 2024. Primet e realizuara nga ky grup në raport me totalin zënë 0.45% e tyre. Grafiku 10, ilustron ecurinë e primeve të shkruara bruto për periudhën janar nga vitit 2021–2025. Vlera më e ulët e primeve të grumbulluara shënohet për periudhën janar të vitit 2021, ndërsa më e larta për periudhën janar 2022.

Grafiku 10: Primet e shkruara bruto klasa e aksidenteve e shendetit Insig, janar 2021-2025 (mijë lekë)




## 2.2 Primet e shkruara bruto për klasën e sigurimeve Motorike

Në klasën e sigurimeve motorike, përfshihen sigurimet e detyrueshme motorike Tpl, Karton Jeshil, Kufitare dhe sigurimet vullnetare motorike, Kasko. Nga klasa e sigurimeve motorike shoqëria Insig për periudhën janar të vitit 2025 ka grumbulluar 112,299 mijë lekë prime të shkruara bruto, duke shënuar rritje me 10.04% Vetëm nga sigurimet e detyrueshme motorike primet e shkruara bruto janë 107,203 mijë lekë, të cilat përbëjnë rreth 95.46% të gjithë primeve të klasës motorike. Nga sigurimet e detyrueshme motorike Tpl zë pjesën më të madhe dhe krahasuar me 2024 ka një rritje 14.43%, Kartoni Jeshil ka një rritje me 5.50% ndërsa Kufitare ka një rritje me 6.09%. Ndërkohë për periudhën janar 2025, primet e shkruara bruto për sigurimin Kasko janë 5,096 mijë lekë, duke shënuar një rënie me 29.01% krahasuar me vitin 2024. Primet e kësaj klase zënë 4.54% të totalit të motorikeve. Primet e realizuara nga sigurimet motorike, bëjnë pjesën më të madhe të totalit të primeve të INSIG, duke zënë respektivisht 96.12% të tij. Për periudhën janar të viteve nga 2021–2025 trendi i primeve të sigurimeve të detyrueshme motorike është në rritje, ku vlera më e ulët shënohet për janar të vitit 2021 dhe vlera më e lartë në janar të vitit 2025 sipas grafikut 11.


Grafiku 31: Ecuria e primeve - klasa e sigurimeve motorike të detyrueshme Insig, janar 2021 - 2025 (mijë lekë)





Trendi i primeve të realizuara për sigurimet Kasko, është i luhatshëm duke parë ecurinë për periudhën janar nga 2021-2024, ku vlera më e ulët shënohet në vitin 2025 dhe vlera më e lartë në vitin 2024, sipas grafikut 12.


Grafiku 42: Ecuria e primeve Insig – klasa e sigurimeve kasko, janar 2021-2025 (mijë lekë)



### 2.3 Primet e shkruara bruto për klasën e sigurimit të pronës

Në klasën e sigurimeve të Pronës sipas të dhënave të AMF-së, përfshihen përveç sigurimeve nga Zjarri, Forcat e Natyrës dhe Dëmtime të tjera në Pronë edhe sigurimet e punimeve në ndërtim si CAR apo dhe EAR. Totali i primeve të realizuara nga kjo klasë për periudhën janar të vitit 2025 është 1,081 mijë lekë, duke shënuar rënie me 42.68% krahasuar me janar të vitit 2024. Në raport me totalin e primeve të INSIG për periudhën janar të vitit 2025, kjo klasë zë 0.93% të primeve totale të vetë shoqërisë. Ecuria e primeve bruto të kësaj klase për periudhën janar nga 2021-2025 paraqitet në grafikun 13 , ku vihet re që vlera më e ulët i takon vitit 2025 dhe vlera më e lartë arrihet në vitin 2021.


Grafiku 53: Ecuria e primeve Insig - klasa e sigurimeve të pronës, janar 2021-2025 (mijë lekë)



## 2.4 Primet e shkruara bruto për klasat e tjera

Në klasat e sigurimeve të tjera përfshihen llojet e sigurimeve të Garancive, Mallrave në Transport, Përgjegjësi, Aviacionit dhe Marinës. Totali i primeve të realizuara nga kjo klasë për periudhën janar të vitit 2025 është 2,929 mijë lekë. Në raport me totalin e primeve të realizuara për periudhën janar të vitit 2025, ky grup realizon 2.51% të totalit. Sigurimi i Përgjegjësi zë peshën më të madhe në këtë grup, i ndjekur nga sigurimet e Garancive. Totali i primeve të realizuara nga sigurimi i Përgjegjësi për periudhën janar të vitit 2025 është 2,297 mijë lekë, duke shënuar rritje 2 herë më të lartë krahasuar me janar 2024, ndërsa sigurimi i Garancive rezulton me një rënie prej 44.89% krahasuar me janar 2024. Me pas vijmë klasat e tjera të sigurimeve sipas grafikut 14.

Grafiku 64: Ecuria e primeve Insig për klasat e tjera, janar 2021-2025 (mijë lekë)




| Klasa te Tjera,            | 2021  | 2022  | 2023  | 2024  | 2025  |
|----------------------------|-------|-------|-------|-------|-------|
| Sigurimi i garancive       | 1,614 | 1,466 | 170   | 1,038 | 572   |
| Sigurimi mall në transport | 0     | 1     | 0     | 10    | 0     |
| Sigurimi i përgjegjësi     | 1,233 | 4,744 | 6,599 | 759   | 2,297 |
| Sigurimi i avacionit       | 0     | 0     | 0     | 0     | 0     |
| Sigurimi i marinës         | 16    | 0     | 7     | 11    | 60    |

## 3.Dëmet e paguara nga shoqëria Insig për periudhën Janar 2025

Për periudhën janar 2025, totali i dëmeve të paguara nga shoqëria INSIG është 44,967 mijë lekë pagesa përfshirë edhe shpenzimet për trejtimin e dëmeve, duke shënuar një **rritje me 106,83%**, krahasuar me të njëjtën periudhë të vitit 2024. INSIG renditet në vend të shtatë në treg duke paguar rreth 7.57% të totalit të dëmeve të tregut. Numri i dëmeve të paguara është rritur me **7.45%** ose 14 raste më shumë krahasuar me periudhën janar të vitit 2024.


Grafiku 15: Pjesa e dëmeve të paguara nga llojet e sigurimit Insig, janar 2025



Për INSIG, pjesa më e madhe e vlerës së pagesave për periudhën janar 2025 i takon sigurimeve motorike që zënë 97.58% të totalit të pagesave, e ndjekur nga sigurimet aksidenteve dhe shëndetit me 2.42% të totalit të pagesave. Klasat e tjera nuk kanë raportime për këtë periudhë. Më sipër grafiku 15, paraqitja grafike e peshës specifike të pagesave që zë secila klasë ndaj totalit, për periudhën janar 2025.

Duke ju referuar ecurisë së pagesave në vite vihet re që, për periudhën janar nga viti 2021-2025, kemi një luhatje pagesash. Janar-i vitit 2025, shënon vlerën më të lartë të pagesave. Raportin më të lartë të dëmeve të paguara e ka viti 2023 me 41.15%, ndërsa viti 2024 shënon raportin më të ulët. Për Janar 2025, raporti dëme/prime është 38.49% sipas grafikut 16.

Graiku 16: Ecuria e dëmeve të paguara të Insig, janar 2021-2025 (mijë lekë)



### 3.1 Dëmet e paguara nga sigurimet motorike


Sigurimet motorrike për periudhën janar 2025, kapin vlerën prej 43,880 mijë lekë ose 97.58% të totalit të pagesave. Nga karahasimi me periudhën janar të vitit 2024, kemi një rritje prej rreth 102.74%. Brenda grupit 4.41% e pagesave i takon sigurimit motorik vullnetar Kasko dhe pjesa tjetër prej 95.59% i takon pagesave për sigurimet e detyrueshme motorike ku, Tpl zë

93.56% ,Kartoni Jeshil 2.03% dhe Kufitare 0.00%. Referuar karahasimit me periudhën janar të vitit 2024, TPL rezulton me rritje pagesash prej 146.97%, Kartoni Jeshil rezulton me rënie prej 55.17%, Kufitare ska raportime per Janar 2025 dhe Kasko rezulton me rënie prej 34.69%.

### 3.2 Dëmet e paguar nga sigurimet e Pronës dhe Aksidenteve e Shëndetit

Nga klasa e sigurimit të Pronës , Garancive dhe nga klasa e Përgjegjësi nuk kemi raportime dëmsh për këtë periudhë në të dy vitet. Përsa i përket Aksidenteve dhe Shëndetit për periudhën janar 2025, vlera e dëmeve të paguara është 1,087 mijë lekë pagesa me një rritje shumë herë më të lartë krahasuar me vitin 2024. Raporti i dëmeve të paguara ndaj primeve të realizuara për këtë klasë është 207.05%. Grafiku 17, ecuria e pagesave për periudhën janar 2024-2025 dhe ndryshim në përqindje sipas klasave të sigurimeve.

Grafiku 17: Pagesat sipas klasave dhe ndryshimi në përqindje Insig, janar 2024-2025 (në mijë lekë)



| D.Paguara | TPL     | Karton Jeshil | Kufitare | Kasko   | Aksid, & Shend, | Prona | Garanci | Pergjegjesi |
|-----------|---------|---------------|----------|---------|-----------------|-------|---------|-------------|
| 2023      | 16,623  | 1,989         | 69       | 2,963   | 97              | -     | -       | 0           |
| 2024      | 41,054  | 891           | -        | 1,935   | 1,087           | -     | -       | 0           |
| Ndysh.%   | 146.97% | -55.20%       | 0.00%    | -34.69% | 1020.62%        | 0.00% | 0.00%   | 0.00%       |

**Burimi: AMF & INSIG**